

Inatsisartunut ilaasortamut Olga P. Bertelsen-imut

Pineqartoq: Peqqissaasut taartaasartut pillugit § 36 imm. 1 malillugu apeqqu

Ulloq/Dato: 15.10.2008
J.nr.

Asasara Olga P. Berthelsen,

Peqqissaasut taartaasartut pillugit apeqqu tinnut qujanaq. Apeqqu tamanna nammineerluta alaatsinaalluarparput, nuannaarutigarpullu inatsisartut ilaasortaasa aamma ajornartorsiutigineqartoq soqutigimassuk.

Postboks 1160
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

Peqqissaasut taartaasartut pineqartillugit marlunnut avinneqartarmata erseqqissarneqassaaq: isumaqatigiissut malillugu taartaasartut kiisalu taartaasartut allaffiineersut.

- Isumaqatigiissutit malillugit taartaasartut isumaqatigiissummi piumasaaqatit nalinginnaasut malillugit atorfinitsitaasarput. Sulisorineqartullu taakku agguaqatigiissillugu peqqissaasunit aalajangersimasumik atorfeqartitaasunit qaffasinnerusumik akissarsiaqartinneqanngillat. Atorfinitsitsinerit amerlanertigut sapaatip akunneri 2-nit qaammatinut 6-inut sivissuseqartarput. Atorfininnermut soraarnermullu atatillugu angalanerit peqqinnissaqarfimmit akilerneqartarput, nutsernermilu nassatassat kiilut amerlanngitsut nassarneqarsinnaapput peqqinnissaqarfimmit akilerneqartussat.
- Taartaasartut allaffiineersut taartaasartut allaffii aqutugalugit atorfinitsinneqartarput, taakkulu aqutugalugit akissarsiaqartinneqarlutik. Taartaasartut allaffianneersumut aningaasartuutit agguaqatigiissillugu isumaqatigiissut malillugu taartaasumit marloriaatit sinnerlugit (2,5) annertunerupput.

Apeqqu 1: Maannamut ukiup naalernerani peqqinnissaqarfimmi peqqissaasut atorfigivillugu atorfillit qanoq amerlatigippat, qassillu amigaatigineqarpat?

Akissut 1: Peqqinnissaqarfik tamakkerlugu peqqissaasut atorfiit 273-it missingersuutaapput. Peqqissaasut katillugit 150-it aalajangersimasumik atorfeqartinneqarput. Peqqissaasut aalajangersimasumik atorfillit kisiisa isigissagaanni peqqissaasut katillugit 123-it amigaatigineqarput. Taartaasut 84-it atorfeqartinneqarput, taakkunangalu taartaasut 39-it

isumaqatigiissutini piumasaqaatit malillugit atorfeqartinneqarlutik aammalu 1. oktober 2008-mit peqqissaasut taartaasartut allaffiineersut 45-llutik.

Apeqqu 2: Maannamut peqqissaasut taartaasartut qanoq amerlatigisut atorneqarpat, ukiullu naanissaanut qanoq amerlatigisut atorneqarnissaat naatsorsuutigineqarpa?

Akissut 2: Ukiup sinnerani taartaasartut allaffiineersunik atorfinitsitseqqittoqarnissaa ilimagineqanngilaq. Tamanna atorfinitsitsisarnerit unitsinneqarnerannik pissuteqarpoq, tamannalu atuvallaarnerup kingunerisaanik aallartinneqarluni. Taamaakkaluartoq annikitsumik nikittoqarsinnaassaaq, tassami immikkoortortaqarfinni tamakkiisumik sulisoqarfiussani peqqissaasunik taartaasartut allaffiineersunik atorfinitsitsisoqarsinnaassammat, soorlu DIN-mi immikkoortortaqarfimmi OBS-imi.

Apeqqu 3: Peqqissaasut taartaasartut allaffiineersunik atuinermut atatillugu aningaasartuutit qanoq annertutigippat?

Akissut 3: Peqqinnissaqarfik tamakkerlugu peqqissaasunut taartaasartut allaffiineersunut aningaasartuutit 2008-mut naatsorsuutini 43,3 mio. kr.-iunissaat ilimagineqarpoq.

Inussiarnersumik inuulluaqqusillunga

Arkalo Abelsen
Ilaqtariinnermut Peqqissutsimullu Naalakkersuisoq